



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Basilea Sacra Sive Episcopatvs Et Episcoporvm  
Basileensivm Origo Ac Series**

**Sudan, Claudio**

**Brvntrvti, 1658**

2. S. Pantalus Mart.

**urn:nbn:de:hbz:466:1-11463**

*Anno  
Christi  
346.*

injuriâ exciderunt, ita ut nullius memoria in Episcoporum Catalogis, aliisve priscis monumentis extet, præterquam S. Pantali, quem vulgo primum vocant Episcopum Basilensium, martyrij coronâ illustrem.

## S. PANTALVS

*Rauracorum Episcopus*

*II.*

**S.** Pantulum ( si Iacobo Mennels credimus ) è Comitum Froburgensium prosapia & numero sanctorum Habsburgici sanguinis, apud Agrippinenses Vbios extre-  
mum supplicium tuendæ fidei gra-  
tiâ fortiter tulisse, unà cum undecim  
Virginum millibus, paris triumphi  
consortem, testantur Bonfinius De-  
cad. 2. lib. i. Petrus de Natalibus Epi-  
scopus Esquelinus lib. 9. c. 87. Petrus  
Cratepolius lib. i. de Germaniæ Epi-  
sco-

*Anno  
Crisci  
306.* scopis, quorum testimonio accedit  
continuata haec tenus traditio Basileensis Ecclesiae, quæ XII. Octob. in  
Breviario, Missa, & Martyrologio,  
Antistitis huius sui memoriam ritu,  
ut vocant, duplice, celebrat, ciùsque  
venerandum caput Coloniæ transla-  
tum Basileam VI. Id. oct. ad hunc  
usque diem asservatur. Addit Crate-  
polius S. Pantalum in Bisuntina Ec-  
clesia prius initiatum, cœptam inde  
Diœcesin novam Evangelico pre-  
cōnio, in vera fide & divinis humanæ  
salutis mysteriis, non modò confir-  
mâsse sed etiam magnis incremen-  
tis propagâsse. Sancti viri cineres  
sacri jacent in æde Machabæis He-  
roibus dicata Coloniæ extra anti-  
quæ urbis mœnia, juxta illam pla-  
team, quæ ob SS. Virginum stragem,  
à posteris platea sanguinis appella-  
tur. Eodem ferè sensu Lect. I V.  
Proprij Basileensis, ut vocamus

com.

communiter, ad XII. Octob. sancti Pantali vitam breviter ita perstringit. <sup>Anno  
christi  
346.</sup>  
*S. Pantalus omni virtutum & literarum genere ornatus, Ecclesiae Basileensi Episcopus constitutus, omnia veri & boni Pastoris officia diligenter implevit. Christianae vero religioni propaganda adeo deditus fuit, ut nihil, quod ad ipsam augendam pertinere iudicabat, etiam certissimo vitae proposito periculo intermisserit. Tandem rebus in Ecclesia ritè dispositis, secundo flumine Coloniam delatus, ab Hunnitum Germaniam vastantibus, pro Christi nomine, cum S. Ursula, & reliquo illo sacrarum Virginum Choro trucidatus est. Corpus eius apud Machabeos honorifice asservatur. Caput inde Basileam translatum est VI. Idus Oct. quo diesolemnis eius recolitur memoria.* B Et

*Anno*  
*Christi*  
<sup>346</sup> Et quamvis satis certum videtur,  
 sanctum Præfulem Pantalum unà  
 cum undecim millibus Virginum,  
 affectum Martyrio fuisse : contro-  
 vertunt tamen inter se pugnantibus  
 sententiis historici, quo id tempore,  
 quove anno acciderit. Existimant  
 nonnulli, Virginum, adeoque & S.  
 Pantali fusum barbarorum imma-  
 nitate sanguinem anno Christi 238.  
 Verùm à Baronio refelluntur tom. 2.  
 ad annum 237. & Cranzio in Metro-  
 poli, nec immeritò. Quotquot e-  
 nim è veteribus hanc historiam vel  
 leviter attigerunt, unanimi consen-  
 su asserunt, Virginum hoc sodaliti-  
 um interemptum ab Hunnis; quæ  
 tamen gens ea ætate in Gallia & Ita-  
 lia penitus incognita fuerit. Nam  
 140. post annis, Hunni ( quemad-  
 modum veterum testimonio tom.  
 4. ostendit Baronius ) sub annum  
 376. regiones trans Istrum sitas, in-  
 numera-

*anno  
Christi  
340.*

numerabilibus copiis primūm in-  
undārunt, permittente id Valente  
Imperatore, cuius indulgentiā, uti  
per legatos suos illi petierant, Thra-  
ciam licenter occupārunt. Ammia-  
nus Marcellinus, sub Constantio,  
Juliano, Valente & Gratiano, & mi-  
les & clarus sui temporis scriptor,  
ita de Hunnis l. 31. loquitur. *Hun-*  
*norum gens veteribus monumentis le-*  
*viter nota, ultra paludes Maeotidas*  
*glacialem Oceanum accolens, vagi-*  
*bundi usque Achaiam pervenerunt,*  
*Gratiano IV. & Merobaude Coss.*  
*anno 377.* Eorum inde mores de-  
pingit, bellaque cum Gothis gesta.  
Thracia nimirum & toto pene Ori-  
ente, usque novis attrito cladibus,  
occiso Valente Imperatore, totoque  
exercitu Romano prope Adrianopo-  
lim fugato, cum eam urbem & Con-  
stantinopolim frustri tentassent,

B 2 mutatis

*Anno Christi* <sup>346</sup> mutatis consiliis, per subiectas septentrionali Provincias effusi, immensis graves spoliis & prædis, & ad ipsas Alpium Iulianarum radices, quas Antiquitas olim Venetas appellabat, facile pervenerunt. S. Hieronymus eiusdem ætatis, de hac prima Hunnorum eruptione, ita scribit ad Oceanum de morte Fabiolæ.

*Ecce, subito discurrentibus Nunciis, Oriens totus intremuit, ab ultima Mæotide, inter glacialem Tanaim, & Massagetarum immanes populos, ubi Caucasi rupibus feras gentes Alexandri claustra cohibent, erupisse Hunnorum examina quæ pernicibus equis, hoc illucque volitantia, cædis pariter & terroris omnia complerent.*

Ex quibus evidens est, S. Vrsulam anno 238. non esse ab Hunnis imperfectam, quandoquidem ea gens

gens primū anno 376. Romanas Provincias bello infestare cœperit. Ad hæc, quis sibi persuadeat (quod tamen asserunt nonnulli) anno 238. quo Maximinus tertiam post Neronem & Domitianum persecutio-nem in Christianos crudelis exercebat, teste Eusebio lib. 6. c. 20. tot Virginum millia, dum cladibus passim & incendiis fœdum in modum de-vastarentur Romanæ Provinciæ, per media pericula Romam pietatis causâ, penetrare temerè adeo voluissse? Certè ea tempora non erant, quibus longinquum hoc iter eas suscipere conveniret, cùm & ipsi Pontifices supremi, tribus post Chri-stum sæculis, se, & sacra cryptis & locis secretioribus, contra Gentiliū Imperatorum iniurias, & militum furorem tutiùs illatebrarent. Acce-dit, quòd probabiliter eâ ætate, stan-te adhuc & florente Rauracorum

B 3. Augu-

*Anno  
Christi  
346.*

*Anno Christi 386* Augusta, nulladum fuerit Basilea, cuius scilicet solo castri nomine, tunc temporis, prima extet memoria apud Ammianum lib. 30. sub annum Christi 377. Ex quo verisimili-  
ter coniucimus, Julianum Apostata-  
tam, vel Valentinianum, prima Basileae  
fundamenta jecisse, quæ paulatim,  
ab eversa veteri Rauricorum Au-  
gusta, sua incrementa ceperit. Bea-  
tus Rhenanus lib. i. rerum German.  
existimat, Augustam funditus diru-  
tam fuisse ab Allemannis & Francis,  
qui Attilam secuti, appendix funesta,  
Germaniam primam, & secundam  
citeriorem, cum ditionis Sequano-  
rum parte maxima occuparunt, eo-  
démque tempore Vindonissam e-  
versam, Aventicum, Forum Iulij &c.

Sentiunt alij cum Baronio, qui  
eam historiam refert ad annum  
Christi 387. Verum ut improbabili-  
tem sententiam reiicit Hermannus  
Fleyen

Fleyen Coloniensis, in Appendice  
tom. 4. de vitis Sanctorum à Lippe-  
loo conscriptis. Est tamen vero si-  
milior quam prima; quandoqui-  
dem rationibus primam opinio-  
nem oppugnantibus non æquè pre-  
mitur.

Tertia opinio præ ceteris dua-  
bus magis probatur: Sanctam Vr-  
sulam cum S. Pantalo, Martyrij de-  
cuss consecutam anno 451. Ita sentit  
Sigebertus in Chronico, Otho Fri-  
singensis lib. 4. c. 28. Sabellicus in  
Martiano, 8. Enneadis lib. 2. Bonfi-  
nius de rebus Vngaricis lib. 5. Caro-  
lus Sigonius lib. 13. de Occidentali  
Imperio & alij plures. Quibus ac-  
cedunt recentiores Sebastianus Ver-  
ronius Friburgensis Helvetius in  
Chronicis suis. Iodocus Coccius  
Societatis IESV in Dagoberto præ-  
vio c. 5. Et his omnibus exactius  
Hermannus Fleyen loco cit. ubi non

*Anno Christi M. CCCC. XXII.* de tempore solum ac loco supplicij SS. Virginum, sed & de aliis, quæ ad hanc historiam spectant, copiosissime disserit. Consentit ipsum vetus Breviarium Basileense, ex quo legere est, S. Pantulum, imperante Martiano Orientali Imperatore, mortem & Martyrium oppetiisse. Taceo, hanc opinionem non illis implicari difficultatibus, à quibus vix poterunt expediri priores duæ. Certè Attila, Baronio teste, & auctoribus ab ipso citatis tom. 6. Valentiniano II. & Martiano Impp. perniciabili & detestando consilio decrevit Romanum Occidentale Imperium funditus excindere, conscripto ad meditatem fævitiam perpetrândam exercitu septingentorum millium : ad cuius nempe erecta signa, tota propè barbaries, locustarum instar, opimioris spe prædæ, convolaret.

quo de numero Gepidæ, Gothi,  
Marco-

Anno  
Christi  
451.

Marcomanni, Suevi, Quadi, Heruli  
&c. Qui omnes, quantam stragem  
in Galliis ediderint, tristi carmine  
cecinit Sidonius Apollinaris in Pa-  
negyrico Aviti.

— — — — cecidit citò secta bipenni  
Hercynia in sylvas, & Rhenum te-  
xuit alno

Et ja terrificis diffuderat Attila turmis  
In campos se Belga tuos. — — —

Metensem urbem iam tum incen-  
dio vastatam perditamque fuisse te-  
statur Gregorius Turonensis cap. 6.  
Prosper item patriæ suæ Regij in  
Aquitania excidium & cladem lu-  
get lib. de Providentia Dei. Bonfini-  
us lib. 4. dec. i. plurimas enume-  
rat Galliæ urbes, direptas & solo  
æquatas, nominatim Constantiam,  
Argentinam, Rhemos &c. A quo  
belli turbine alias implacabili, ser-

B 5 vatam

*Anno Christi 451.* vatam tum quidem Basileam, ait ipse, eo-quod Sigismundus Princeps, vel iniquissimis conditionibus cum Attila pactis impendentem vastitatem avertisset.

Hic verò inexplicabilis se obiicit Labyrinthus, si relegenda via & viæ ratio, quâ S. Vrsula, eiùsque aliquot saltem comites, si non Romam, saltem Basileam appulerint. Contrariæ adeo se oppugnant coniectræ, ut quænam certitudine præponderet, pronunciare difficile & ferè temerarium sit. Trucidatas ab Hunnis apud Vbiorum Coloniam, indubitatae est fidei, in eo scilicet à barbaris deprehensas loco, in quem procellosa maris tempestas innocentem classem disjecerat, prout recenset P. Petrus Ribadeneira Societatis IESV, in vita S. Vrsulæ & sociarum, ex Baronio & alijs pluribus scriptoribus. Si ita passas

*Anno  
Christi  
4510*

pasas Coloniæ admittimus, quâ deinde coniecturâ sustinebimus, Coloniam Basileam longis adeo terrarum spatiis dissipatam prosperâ vel adversâ fortunâ esse deportatas? Et ipsa tamen vetus traditio, & relictâ in Rauracorum terris vestigia, quæ etiamnum post rerum & religionis deflendas perturbationes ab incolis & accolis monstrari possunt, sanctam Ursulam, cum aliquot sodalitij sui Virginibus Basileam venisse testatum faciunt. Visitur Basileæ domus, quæ sanctam Virginem excepterit: atque illam apud Divi Martini, scalam ascendisse, constans hactenus fama viguit. Haud procul ab eadem urbe, in ipso montis vertice, stat ædicula sacra Sanctæ Christianæ, quæ ex Societate Sanctæ Ursulæ & in longis asperisque itineribus, defecta viribus, non sine miraculo, decenter ibidem terra manata

*Anno* data est, ut fatetur Vrissius lib. I.  
*Christi* Historiarum Basileensium, & cap. 6.  
*451.* Epit. ex veteri Catholicorum traditione. Qua etiam de re extat carmen Sebastiani Brant, I. V. Doctoris sua ætate Basileæ per celebris, dedicatū inter alia Maximiliano I. anno 1495. Deniq; pagus est in agro Rheinfeldensi, Eichselen, in quo tres ex iisdem Virginibus Kunigundis, Mechtildis & Vuibranda, laboribus itineris confectæ, humanæ peregrinationis metam attigerunt, ubi sepultæ sunt. Multos verò exinde post annos, id est, anno 1503. à Raimundo, titulo *Mariæ novæ* presbytero Cardinale ex Comitiis Francofurti celebratis reduce, post accuratissimam indagationem, & patratorum illic miraculorum probata ex æquo testimonia, inventæ & quam maximis fieri potuit, honoribus affectæ sunt. Institutæ hac de causa publicæ celebritati

britati interfuit Lucellensis Abbas,  
qui, ut tantæ rei monumentum ali-  
quod posteris relinqueret, ad aram  
B. Mariæ Virginis, quod de his vir-  
ginibus recensuimus, scitè sculptum  
& pictum, pio sensu apponi man-  
davit.

*Anno  
Christi  
451.*

Sed nos intricatam hanc con-  
troversiam, in qua ipse diu laboravit  
Baronius, sub judice relinquamus,  
& S. Pantalum Basileensem Antisti-  
tem, Coloniæ Martyrium subiisse,  
præter rationes in medium allatas,  
sufficiat vetus Ecclesiæ Coloniensis  
catenata traditio, quæ Sancti huius  
Martyris ossa in Basilica SS. Macha-  
bæorum debito cultu veneratur, te-  
ste Cratepolio de Episcopis Germa-  
niæ.

Non negârim, S. Pantalo priores  
fuisse Rauracorum Episcopos, Iusti-  
nianum, aliósque plures, quorum  
nomina temporis vetustas penitus  
abole-

*Anno  
Christi  
451.* aboleverit. Et licet Adelphius, quin-  
 quaginta post S. Pantali mortem an-  
 nis, Rauracensem Episcopum se no-  
 minârit, potuit tamen primus Ba-  
 sileensis, & Rauracensis Episcopus,  
 adhuc dici S. Pantalus, posterioribus  
 saeculis: tum ob Martyrij singulare  
 partum huic sancto Præsuli ante ali-  
 os decus: tum quia stante Augustâ  
 Rauracorum, omnes Rauracenses  
 Episcopi audierunt: ea verò dirutâ,  
 assurgere ubi cœpit Basilea, repu-  
 diato veteri nomine, Basileenses im-  
 posterum nuncupabantur; licet, eti-  
 am tunc post extructam Basileam  
 nonnulli Rauracorum nomen reti-  
 nuerint. Post concitatam ab Attila  
 horridam belli tempestatem, & stra-  
 gem urbium provinciarumque plo-  
 rabilem, miserrima Ecclesiæ Galli-  
 canæ facies erat, cum labante in  
 Galliis Romano Imperio, Burgun-  
 diones, Visigothi, Allemanni, Franci  
   Idolo-

Idololatræ occuparent omnia, do-  
nec sub annum 499. Clodovæus I. <sup>Anno  
Christi  
499.</sup>  
invocato Christo, quem à Chlotilde  
uxore, Childerici Burgundiæ regis  
filia, nōsse & colere didicit, ad Tol-  
biacum Vbiorum vicum, debellavit  
Allemannos, victoriāmque pro-  
cutus, fines eorum ex utraque Rheni  
ripa hostiliter pervasit, ferro flam-  
māque devastans obvia, captivis  
duræ servituti mancipatis, totam  
denique Allemanniam partim fisco  
regio, patim suis ducibus, quorum  
bellicam virtutem ante alios adver-  
terat, in præmium fortitudinis & o-  
peræ fidelis addixit. Atque ut Ger-  
manos in officio magis contineret,  
& ne quid jugi impatientes, turba-  
rum imposterum molirentur, eis  
Comites præfecit, his Ducem, quem  
passim Allemanniæ & Sueviæ Du-  
cem nominatum comperic: eo-  
quod magna pars Allemariorum,

Suc-

*Anno Christi* 499. Suevorum gens ea tempestate dice-  
retur. Dicasterium etiam Alleman-  
niæ sive forensem curiam, Ranck-  
uillæ erigere placuit, lectis sede-  
cim Comitibus qui criminalibus  
causis, alijsve judiciorum discep-  
tationibus præcessent. Quæ omnia  
ex gestis S. Fridolini manifestius  
apparent, quām ut à quoquam in  
dubium revocentur. Hunc in mo-  
dūm, gementibus sub Francorum  
jugo Allemannis, subactis Burgun-  
dis & debellatis Visigothis, Clodo-  
væus iam Christianus, ita regnum  
suum crebris victorijs & armorum  
felicitate ad extremos Galliæ fines  
amplificaverat, ut ejus postero-  
rūmque ductu ac authoritate, col-  
lapsa propemodum fides pictasque  
per Burgundiam & Franciam reflo-  
resceret. Eodem, quo hæc gereban-  
tur, tempore, Sequani inferiores,  
(qui nunc Alsatæ & Sundgoi no-  
minantur)

minantur) Rauraci item & Helvetij,  
Allemanniæ Duci suberant. Et quia  
Allemanni tardius, quam Burgundi,  
& Franci, Christi sacra susceperant,  
hinc mirum videri non debet, si illo  
ævo interrupta sit Rauracensium E-  
piscoporum series, aut eorum no-  
mina exciderint. Tandem igitur in  
has regiones ex Francia & Burgun-  
dia importatam denuo fuisse Evan-  
gelij facem per viros Apostolicos è  
Divi Benedicti familia, omnino per-  
suasum habemus.

Anno  
Christi  
499.

## ADELPHIVS

*Rauracorum Episcopus*

*III.*

**S**Vbscripsit Adelphius Rauracensis  
(retento primævo titulo) sive Ba-  
sileensis Episcopus, primo Concilio  
Aurelianensi, cum ceteris Episcopis,

C vo-